

WAN DEI INI A DINI FU YEISES



Les 2 fu 13 Yuli 2024

“Kon, waka
na mi
baka”, Yeises
taki, mi sa
seni yu fu
fisi libisma.”



(Mark.1:17)



Fa wan dei ini a libi fu Yeises sa ben de? San efu wi waka nanga en wan heri wiki?

Markes e yepi wi fu libi ini a ondrofeni disi, ini a kriboi pisi fu en fosi kapitri. (Mark. 1: 16-45).

Wi sa waka nanga Yeises te ai kari wan grupu fis'man fu tan waka na en baka, pe den e prisiri ini wan sabbatdei, pe furu sani de fu du. Tef'kba wi sa si san den ben gwentu fu du ini a aladei libi.



Spesrutu sani fu du:

● Kari disipel. Mark.1:16-20.



Sani fu du na Sabbatdei:

● Preiki ini dyukerki. Mark. 1:21-28.

● Heal. Mark 1:29-34.



Du sani ini a aladei libi:

● Begi nanga preiki. Mark. 1:35-39.

● Dresi, respekti a kebed. Mark.1:40-45.


SPE SRUTU DU

KARI FU DISIPEL


"Dan Yeises taigi den, Kon na mi baka", mi sa seni yu go fu fisi libisma."
(Mark. 1:17)



Ini Markes wi e si a syatu fu en taki. Efu wi no leisi den tra bun nyunsu wi kan fromu wi srefi nanga a kari fu en.



Disi no ben de a fosi leisi den man ben waka miti Yeises. Di den ben waka baka Yohanes a Dopuman, den yeri fu Yeises, dan den go na en baka. Den fosiwan di du so ben de Andrew nanga Yohanes nanga den brada. (Yohanes 1:35-42).



Yeises ben preiki tapu a boto fu Peitres, dan wan fanga fu fisi psa, tapu wan wondru fasi. Bijna den net priti, bika den fisi ben tumsi. (Luk.5:1-7). Di Yakobes nanga Yohanes ben meki den net, Peitres fadon na Yeises futu. (Luk.5:8-11).



Yakobes nanga Yohanes libi ben p'pa fu sorgu a fisi wroko fu a famiri. Peitres nanga Andrew libi den wroko fu wini sili. Di den teki a kari fu Yeises, den drai den libi, nanga a libi fu heri grontapu.




SAN DEN DU SATRA

PREIKI INI A DYU KERKI

"Den go na Kapernaem, e'n di Sabat kon, Yeises go ini a dyukerki, dan a bigin leri." (Mark. 1:21)

Den bun nyunsu buku e poti en krin, dati a go na kerki tapu Satra, ben de wan gwenti fu Yeises, no wan sani fu a dei dati wawan. (Luk.4:16).




Fa den sma ben feni a preiki fu Yeises? (Mark.1:22).

A no alasma ben breiti. A feiyanti besroiti fu pori a dinst. So sani di Yeises ben sa du, ben sa de somar. (Mark. 23:26). Ma wan esi drai, sorgu dati den sma ben kon si a wroko fu Yeises moro krin. (Mark. 1:27,28).


Dri sani e kon na fesi ini a tori disi:

1. Wan takru yeye ben de ini a kerki. "Takru wiwiri" de ini kerki, e'n wi no kan si den krin. (Math.13:24-30).
2. A takru yeye ben sabi suma na Yeises. A ben suku wan fasi fu pori en wroko.
3. Yeises taigi en fu tan pi. A ten no ben kon fu meki alasma sabi, dati en ben de a Mesias.



DRESI

“Di neti fadon baka di a son saka, den tyari kon na en, ala di ben abi siki na en, nanga den di didibri ben tai.” (Mark. 1:32)



Di a dinst kba ini a kerki, Yeises go nanga den fo disipel na a oso fu Peitres, fu nyan wan switi nyan den na den. (Mark.1:29).

Di den ben e seti a tafra, den taigi Yeises fu a m'ma fu Peitres uma, di korsu ben naki en. (Mark. 1:30). Di a kon betre, a uma disi poti ensrefi fu dini den sma di ben kon. (Mark. 1:31). Den fordeil di Krestes e gi wi, e wiki na ini wi a winsi fu prati nanga.

A wondru fu a man di ben abi a didibri, ben de a taki fu a dei ini furu oso fu Kafarnaum. So na kba fu den santa yuru (fu a sabat), di a son saka, den tya furu sikiwan kon na Yeises fu kon betre. (Mark.1 :32-34).

So wan prisiri ! Someni bari fu prijs ini a oso fu Simon. A no soso a man di kon betre ben prijs. Yeises srefi ben prijs fu di a ben meki sma betre.

Baka wan hebi dei, te lat' neti, tef' kba Yeises ben man go sribi.



DEN ALADEI DU



BEGI NANGA PREIKI

"Fruku m'manten, di a ben dungru ete, Yeises opo, gwe na dorosei, na wan presi, pe sma no ben e tan, drape a begi."

(Mark. 1:35)

Tapu sonde, den disipel wakti Yeises fu preiki ini a foto. Ma Yeises ben abi tra prakseri. A ben wani furu trawan fu abi fordeil fu en wortu nanga en du. (Mark. 1:36-39).

Ma Yeises no ben du en eigi wani. So fa a ben gwentu, a go taki fosi nanga en P'pa, so a ben kan taigi en san a ben musu du a dei dati. (Mark. 1:35; Yoh. 8:28).




Aladei Yeises ben gwentu fu suku Gado ini begi, e'n ai aksi wi fu du leki en. (Mark. 6:46; Luk. 3: 21; 5:16; 9:18; 11:1; 18:1). Na spesrutu okasi, a ben teki heri neti fu begi. (Luk. 6:12,13; Math. 14:21-23).

Wi no musu, leki Yeises, suku Gado aladei ini begi, fu sabi san A wani? Na spesrutu okasi, wi no sa suku en spesrutu ini begi?

DRESI E'N RESPEKI A KEBOT

"No taigi no wan sma disi. Ma go sori yusrefi na a domri, owktu ofer den ofrandi, di Moses komanderi yu fu krin yusrefi, leki wan getoigi gi den." (Mark. 1:44)



A gwasiman, di no ben gwentu nanga trasma, fu di a ben siki, kindi na Yeises fesi, e bigi en fu dresi en. (Lef.13:45; Mark.1:40).

Na fesu den hipisma, Yeises du wan sani kontrari a kebot : a fasi a gwasiman, dan en no ben krin moro. Ma prefu a kisi a siki fu a gwasiman, a gwasiman kisi a dresi fu Yeises.

Te wi kon na Yeises nanga wi sondu nanga fisti, a no sa libi wi. A sa gi wi pardon nanga dresi, so wi sa krin leki En.

Baka di a dresi en, a gi tu kebot, nanga tu marki. (Mark. 1:44)

Meki den domri si yu


Fu tap' den mofo

So a sori en respekigi a kebot

A gi den domri okasi fu teki en leki a Mesias

A tapu den domri fu dyens a gwasiman

A no meki den hipisma kisi hopu fu wan mesias



“libi fu a Ferlusuman na grontapu no ben de makriki. Ma noiti a ben weri fu ferlusu sma di ben lasi. A libi wan libi di no ben prakseri ensrefi, fu a dei di a si son kometi en dede. A no proberi fu de fri fu tranga wroko nanga waka,waka di e weri yu. A taki dati a Boi fu libisma,” no kon fu sma dini en, ma fu dini sma, fu gi en libi fu ferlusu furu sma.”(Math.20:28) Disi ben de san a ben abi ini en libi. Den tra sani no ben de spesrutu. Fu du Gado wani,nanga fu klari en wroko ben de leki nyanyan nanga dringi gi en.A no ben prakseri ensrefi ini En wroko.”